

# INUIT ATAQATIGIIT

## Inatsisartuni



5. februar 2021

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

### **Naalakkersuisunut apeqqut:**

- 1. Covid-19-imut akiuussutissanik kapuinermi ataasiaannarluni kapitittarnissamut Naalakkersuisut qanoq isumaqarpat?**
- 2. Inummut ataatsimut marloriarluni kapitittarnissamik aalajangerneq Naalakkersuisut allanngortissallugu piareersimappat?**
- 3. Taamaangippat, tamatumunnga suna patsisaava?**

(Inatsisartuni ilaasortaq Sofia Geisler, Inuit Ataqatigiit)

### **Tunggavilersuut:**

Paasinninnera tassaavoq Danmarkimi / EU-mi aalajangerneq, tassalu inuk ataaseq marloriarluni kapitittassasoq, malinniarlugu Naalakkersuisut aalajangersimasut. Akiuussutissalli amigaataapput ataasiaannarluni akiuussutissamik kapuinikkut amerlanerpaat akiuussuserneqarnissaat peqqissutsimut oqartussat / Naalakkersuisut kissaatigineeraat, ilaatigut Pfizerip akiuussutissiaanik, tusagassiuutit aqqutigalugit oqaatigineqarluni taassuminnga ataasiaannarluni kapuinikkut 90 procent tikillugu akiuussusiisoqarsinnaasoq.

Naalakkersuisunut apequtit nassiunneqarput pingaartumik pissutigalugu Covid-19-imik napparsimalersut amerlissagaluarpata tamanna peqqinnissaqarfimmut artorsartitseriaannaanera.

Kissaatigivara apeqqutikka ullut suliffiusut qulit qaangiutinnginneranni akineqarnissaat.